



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

III.

**urn:nbn:de:hbz:466:1-14259**

*Et quo ex-  
p'icando  
hallucina-  
tu credi-  
tur Damit.  
Calderianus*

**S**ed jam serato itinere, sopitisq; controversiis, ad ea, quæ liquida manifesta que sunt, procedamus. **D**igito sive ipso erumpere gestientes è carceribus emittamus: primumque spatia corripiant auricularis, alter & alter, quorum qui in læva est uno omnium consensu unitatis indicium est, si unguiculum ad medium volæ tuberculum advertat, quasi coronam quamdam flexere meditetur. Itaque si fasces à dextera alicujus statua fuerint, læva vero eo gestu prætendatur, primi Consulatus hieroglyphicum apparebit, vel si alia fuerint insignia alicujus honoris indices, primum eo positum ostendet, atque ita de reliquis.

## CENTUM. CAP. III.

*Virginalis  
numerus.*

**A**b hoc lævæ digito ad eundem dexterae conversi, eodem gestu quo illo unum, hic centum, ut jam constare potest, significari profiteamur. Neque id prætereundum, quod centenarius numerus Virginalis, ut sacrarum literarum interpretes tradunt, appellatur: de quo apud Mattheum habetur c. 13. Quandoquidem iis, qui vitam recte, pie, sancteque instituerunt, tria sunt proposita premia, vel fructuum proventus: aliis tricenarius, aliis sexagenarius, aliis centenarius. Tricenarius quidem iis, qui maritalem secuti vitam, eam conjugio minime contaminato peregerunt: nam numerus atque integre custodierunt. Et sexagenarium annorum numerum viduitatis esse eundem ostendimus. Centenarius demum iis, qui virginitatem intaminatam incolumemque ad ultimum usque vite terminum servavere. Eucherius centenarium hoc præmium non tantum ad virginum merita, verum etiam ad martyrum mercedes præmiaque proposita contendit. Hierosolymitanus Helychius perfectissimum, ait, centesimum ideo concipimus, quia quinquagesimus, quæ spiritus amplectitur: unde Pentecoste Spiritui sacra. Bonorum vero operum fructus, qui messem omnem excellit, in Evangelica lectione ad centesimum usque cumulatur. Adamantius quoque numerum hunc plenum in omnibus atque perfectum autumat: aitque totius rationabilis creaturae sacramentum intra se continere.

*Maritalis  
numerus.  
Viduitatis  
aut caliba-  
tus nume-  
rus.*

## DUO, CAP. IV.

**A**lævam autem, unde digressi sumus, revertentes, si, uti de unitate dicebamus, aut Consul, aut Imperator, aut Dictator, vel quid hujusmodi fuerit, qui dignitatem eandem sibi accessisse indicare voluerit, non infulse statuam ponet, in cujus manu læva anularis digitus eodem inflectatur modo, atque eodem loco cum ipso minimo applicetur. Duo enim, vel bis, vel iterum, eo gestu exprimi manifestum.

## CORPUS VEL IMMUNDITIA. CAP. V.

*Dualis 'nu-  
meri mysti-  
ci sensus.*

**I**pse vero dualis numerus mystico significato corpoream indicat naturam, & pro immundis accipitur in sacris: quod is numerus sociandis generandisque corporibus aptari solet, de quo videndus Adamantius libro tertio in Epistolam Pauli ad Romanos, ubi de propitiatorio loquitur. Submonet Divus Hieronymus in hanc sententiam adversus Jovinianum, animadvertendum esse juxta Hebraicam veritatem, in primo, & tertio, & quarto, & quinto, & sexto die, expletis operibus singulorum subjectum esse: *Et vidit Deus quod esset bonum*, in secundo vero die hoc omnino subtrahitur, ut admoneremur non esse bonum duplicem numerum, quod ab unione dividat: nam unitas tota Dei est, dualitas vero significet hieroglyphice fœdera nuptiarum, quibus ubique Hieronymus paulo inferiorem ostentat.

*Sed & mo-  
tus multu-  
tudinis &  
opinionis  
symbolum*

## DUCENTA. CAP. VI.

**E**odem vero ipso gestu quo in sinistra duo, in dextera digitus, idem DUCENTA significat.

## III. CAP. VII.

**M**edius autem, quem nonnulli Medicum, plures Infamem & impudicum appellant, ita pedes duos inferiores incurvatus, ac si citharæ cuspisiam filo una serie gestuque apprimens, et



A sent, ternarium effingunt numerum. Quodque superius de titulis & honoribus attigimus, ubi terge-  
mini cujusquam notandi essent, hoc assumi potest hieroglyphicum.

## ANIMA, DEUSVE. CAP. VIII.

Sed ipse etiam numerus suum habet significatum: quippe qui incorporeæ naturæ consecratus, Ternarius  
nunc anima; nunc Dei simulacrum, hieroglyphicumque est, de quo multa Pythagorici, multa  
etiam veteres Theologi disputarunt, quæ brevitatis causa sunt prætereunda. Illud tamen non omit-  
tam, Propitiatorium in divinis institutionibus longitudine duorum cubitorum & semis fieri deman-  
datum, ut id Christum hominem significaret, quod & apud Paulum epistola ad Romanos habetur:  
qui quidem licet verus esset homo, quem proposui Deus propitiatorium per fidem in sanguine e-  
jus, aliquid tamen habuit quod humanam excederet naturam, tria tamen non exæquaret: nam  
pater eo major est. Sed si quis hæc apertius declarari sibi voluerit, ad ejus epistolæ interpretes ac-  
cedat. Quod vero paulo ante binarium malum esse dicebamus: sacerdos Heli, cap. XII. I. Regum  
dualem numerum pessimi spiritus esse suspicatur, uti Dei ternarium. Nam cum Angelus Domi-  
ni Samuelem bis vocasset, tertiam vocationem expectandam duxit, ut vocem divinam esse co-  
gnosceret.

## CCC. CAP. IX.

Eodem gestu digitoque quo tria in sinistra, CCC. in dextera significantur. Sed & vocabulum  
ipsum suas habet significaciones. Trecenta siquidem pro magno admodum numero ponuntur, *Vir. Æn.*  
ut apud Catullum: *Expecta hendeca syllabas trecentos. Quos complexa simul tenet trecentos*, & multa  
hujusmodi, etiam apud alios: *Et trecentenas erroribus impleat urbes. Trecentum nivei tondent dumeta  
juveni. Trecentum tonat ore deos.* Sane cum superius centenarium plenum atque perfectum nume-  
rum esse ostenderit ex Adamantio, eundem triplicatum, supremum quid significare nulli dubi-  
um relinquitur. Sed tercenteni in Arcæ longitudine cubiti, ostendunt hominem qui sit à centena-  
rio lapsus, hoc est, qui à tota rationis summa per ignorantiam deciderit, facile posse per Patris, &  
Filii, sanctique Spiritus cognitionem in trecenta restitui. Hic autem animadvertendum est, posse  
nos gestuum conformationibus illud conjectari quod ait Plinius libro xxxiiii. cap. vii. Janum à  
C Numa rege dicatum digitis ita figuratis, ut cccxv. dierum nota, per significationem anni, tempo-  
ris, & xvi se Deum indicaret.

## CCCLXV. CAP. X.

Cum itaque Plinius dicat, *digitis ita figuratis*, verisimile non est, quod nonnulli putant, in dextera  
in sculptam fuisse literam T, quæ apud Græcos trecenta significat, in læva vero Z & E, quæ sexa-  
gintaquinque supputant. Dicamus igitur ejus statua dexteram eo gestu figuratam, ut ea exporrecta  
tres inferiores digitos graduum in morem incurvatos haberet, qui gestus, uti dictum, trecenta si-  
gnat: lævam autem, ut paulo inferius patebit, ita conformatam, ut index pollicis ungui circumdu-  
ctus arctissima eum circulatione complecteretur, infamis vero mediam palmam versus adcurvaretur,  
duobus reliquis extantibus quantum cumque porrigi potuerint: ita enim quinque & sexa-  
ginta describit: annum enim ad hujusmodi dierum numerum intelligi debere civiliter Pandect. ul-  
timo Paulus ait. Et intercalarem, quo scilicet bis sexto calendis Martias dicimus, quarto quoque  
anno nihilo secius eodem dierum numero supputari, manifestum: quia duo illi dies unius vice ha-  
bentur, nec interesse ait Celsus, utrum priore an posteriore die quid actum sit.

## IIII. CAP. XI.

Trium igitur numerorum gestibus ita positus, insequentium aliorum trium ridicula propemo-  
dum sese offert gesticulatio. Nam quatuor exprimere cum volumus, minimus sustollimus re-  
liquis in incurvatione sua permanentibus. Ita *quartum Cos. Imp. Diss.* & reliqua.

## CCCC. CAP. XII.

Eadem ratione modoque in dextera iidem compositi digiti, CCCC. constituunt. Nec super hoc  
aliud ad negotium.

M m m

V. CAP.